

INUIT ATAQATIGIIT

Inatsisartuni



Nuuk ulloq 6. juni 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Timmisartorsuup Norsaq-p Kangerlussuarmut aqquaarnermi kingunerisaanik sulisartut atorfiliuppata imaluunniit eqqiaasuuppata inuit qassit atorneqartarpat?**
- 2. Kangerlussuarmiit sinerissamut Dash 8 atorlugit angallannermi sulisartut atorfiliuppata imaluunniit eqqiaasuuppata inuit qassit atorneqartarpat?**
- 3. Mittarfik matuneqassanngilarooq kisiannili angallanneq aaqqissuuteqqinnejarpas ilimagisinnasaanerparput ukioq 2021-p kingorna timmisartoq Norsaq qallunaat nunaanniit sumut mittarumaarnissaa aammalu aallartarumaarnissaa?**
- 4. Nuummi aammalu Ilulissani mittarfiit piviusunngorsimalerpata, taava Kangerlussuarmi mittarfik sunik timmisartunik orninneqartassava?**
- 5. Nunarput qulaallugu timmisartorpassuit angallattarunarput taakkuli arlaat angisooq 2200 meter-nik mittarfimmik takinerusumik atorfissaqartitsileroq ukioq 2021-p kingorna qanoq nunatsinniit ikiorserneqarsinnaalissava?**
- 6. Mittarfeqarfiit naatsorsuutaat 2016-nimoortuni Ilulissani aammalu Nuummi mittarfiit naleqartinnejarpas kr. 225 milliunit missaani, nunatsinni mittarfiit allat suli taama naleqartigisut qanoq pineqassappat?**
- 7. Mittarfissat Nuummi aammalu Ilulissat-ni sanaartorneqarnerisa nalaani timmisartut tikinniartut aammalu aallarniartut sanaartortullu akornanni qanoq sillimaniarnikkut takorluuisoqarpa?**

(Inatsisartuni ilaasortaq Villy Olsvig, Inuit Ataqatigiit)

Tunngavilersuutit:

Inatsisartut inatsisaat § 37 naapertorlugu imm. 137 ulloq 08. Maj2017-nimeersumut akissuteqaat manna Naalakkersuisup ulloq 24. maj 2017 tingusimalerpara, akissuteqaallu aallaavigissagaanni suli apeqquteqaqqissinnaanerlusooq saqqummersinneqarpoq.

Naalakkersuisumut apeqquteqaammi ulloq 08. maj 2017 apeqquteqaatima ilai imatut nipillit issuaaffigilaarpakka:

- Mittarfik atorunnaassappat ilmagisariaqassanerparput timmisartuaqqat (bell 212) atorlugit Kangerlussuaq-mut angalasoqartalernissaa, taamaassagaluarpat kiffartuussinissamut aningaasat qanoq annertutigisut atorneqartassappat?
- Mittarfik atorunnaassappat inunnik assartuussineq aasakkut qanoq ingerlanneqartassava?

Naalakkersuisup akissuteqaataani ulloq 25. Maj 2017 qualaani apeqquteqaatinnut akissutaasimasut

Akissut: Kangerlussuarmi mittarfik matussangilaq. Matusinissamut naatsorsuutinik piffissaq manna peqartoqanngilaq aamma taamaattunik peqartoqalernavianngilaq. Kangerlussuarmut timmisartuussineq qulimiguulinnik Bell 212-init ingerlanneqalernissaa ilimanangilaq, taamaaliortoqassagaluarpat ingerlatsinermik annikilliliisoqassammat.

Siunissami Kangerlussuarmi ingerlatsinermik aningaasartuutinik naatsorsuinerik ingerlatsisoqqaartinnagu periarfissat itinerusumik misissorneqqaartariaqarput.

Akissut: Mittarfik matuneqassangilaq. Angallassineq angallanniartunit taakkualu aqqutigerusutaat aallaavigalugit aaqqissuunneqartarpuit, angallassisut namminneq timmisartut aqqutissaannik qanoq ittunik pilersitsinissaq toqqartarpaat.

**Kangerlussuup siunissaa soorlulusooq aamma annertuumik Umiarsualivinnut
Immikkoortumut pilersaarut Kalaallit Nunaanni 2016 – 2026
eqqartuiffigineqarsimanera assut maluginiarneqarsinnaasoq.**

Issuaaneq Kangerlussuaq-mi talittarfeqarnikkut oqariartuummut “Kangerlussuarmi umiarsualiviup allineqarnissaanut periarfissat pillugit imaluunniit nutaamik umiarsualivimmik pilersitsinissaq Qeqqata Kommuniata aamma Namminersorlutik Oqartussani Umiarsualiveqarnermut immikkoortoqarfiup akornanni oqaloqatigiissutigineqarpoq.

Nutaamik umiarsualiviliorqarnissaanut annertuumik tunngavileeqataasussaq tassaavoq nunaqarfiup mittarfiala siunissami ingerlanneqarnera, tassami Ilulissani aamma / imaluunniit Nuunmi mittarfimmut pilersaarutit piviusunngortinneqassappata malunnaatilimmik allanguutegassaaq.

**Taamaammat Kangerlussuarmi umiarsualivimmut atatillugu pilersaarutit attavegaatinut
pioreersunut allanut tulluarsarneqartariaqarput.**

Umiarsualivinnik aserfallatsaaluiuinissamut iluarsartuussinissamullu aningaasaliissutit 25,2. mio. koruuninik amerlassuseqartut ilaat saniatigut ukununnga aamma atorneqartussaapput:

Sioqyanik milluaanerit umiarsualiveqarfinni angallatillu aqqutissaanni, soorlu Kangerlussuarmi.

Silap ingasattumik allanngorarnera ingerlaannassappat Kangerlussuarmi akulikinnerusumik sioqyanik milluaasoqartariaqartarnissaa naatsorsuutigisariaqarpoq.

Agguaqatigiissillugu naatsorsuutigineqarpoq ukiumut sioqyanik milluaasarnerit illoqarfinni nunaqarfinnilu 1,5 mio. koruunit missaanik naleqartassasut, kisianni 2017-imi aammalu 2021-mi annertunerussallutik.

Mittarfiiit pillugit immikkut pilersaarussiaq siunissami periarfissanik assigiinnitsunik ammaassisussatut naatsorsuutigineqarpoq, pingaartumik umiarsuit takornariartaatsit aqqutigalugit takornarissat paarlatsinnejartarnerannut tunngatillugu.

*Silaannakkut angallannikkut immikkoortumik pilersaarusiami aammattaaq Ilulissani aamma Nuummi mittarfiup tallineqarnissaannik imaqarpoq. Taamaaliornikkut Europamiit Amerika avannarlermiillu toqqaannartumik angalasoqarsinnaalissaq. Ilulissani Nuummilu mittarfinnut pilersaarusiati piviusunngortinnejassappata **Kangerlussuarmi silaannakkut angallannermut sunniuteqarsinnaasoq ilimagineqarpoq.***

*Massakkuugallartoq **Kangerlussuup mittarfittut atugaaginnarnissaanut aalajangiinissaq apequataaginnarpoq** umiarsualivittaassap aallartinnejarsinnaanissaanut. **Tassami ilaasartut Ilulissanut aammalu/imaluunniit Nuummut nuuneqarpata Kangerlussuarmi ilaasut taarserneqartarnissaat ikilissammata, umiarsualivillu tassunga naleqqussartariaqassalluni.**" Issuaaneq naavoq*

Naggasiissut Sanaartornermut ataatsimiisitaliamiiit aammalu Aningaasaqarnermut akileraartarnermullu ataatsimiisitaliamiiit Kalaallit Airport A/S naapisimaarnerani makku oqaatsit aninneqartut tusarsimaleqavakka

1. Air Greenland-ip sumut missinnaanissani allanngortikkumaaraa.
2. Timmisartut anginerusut ajornartorsiulissagunik periarfissarissaga nunatta avataaniittut nunat mittarfillit.
3. Mittarfiit pioreersut Ilulissat-ni aammalu Nuuk-mi tallineqarnatik taamaattorli taakku eqqaanni sanasoqarniartoq.

Apeqquteqaat ullut suliffiit qulit qaangiutinnagit akineqarnissaa kissaatiginarpoq.